



ქართული  
შეხვედრის  
გაზეთი

წელაწადა

სამოლიტიკო და სალიტერატურო ყოველკვირეული გაზეთი

ქეოარმეტე

№ 2

კვირა, 11 იანვარი 1904 წ.

№ 2

გაზეთის ფასი: ერთის წლით ტფილისში 7 მან., ნახევარი წლით—  
3 მან. და 50 კაპ.; ტფილისს გარეთ ერთის წლით 8 მანეთი, ნახევარი  
წლით—4 მან., სამი თვით—2 მან., თითო ნომერი 15 კაპ.  
ხელის მოწერა მიიღება: ტფილისში—„წერა-კითხვის გამავრცელებ-  
ბელ საზოგადოების“ კანცელარიაში და თვით „კვალის“ რედაქციაში; რუ-  
სის ბაზარში, საეკლესიო სახლში, იქვე, სადაც ექ. ხელაძის სტამბაა.

რედაქციის კანტორა ღია ყოველ დღე, დილის 10 საათიდან 2-მდე  
და საღამოს 5 საათიდან 8-მდე. სარედაქციო საქმეებზე პირადი მოლაპარა-  
კება შეიძლება ყოველ დღე, გარდა ორშაბათის და სამშაბათისა, შუადღის  
12-დან 2 საათამდე.  
ფასი განცხადებისა უკანასკნელ გვერდზე სტრიქონი ორი შაური.  
ფოსტის ადრესი: Тифлисъ, редакция газеты „КВАЛИ“.

**შინაარსი:** კვირიდან კვირამდე (ფელეტონი).—ი, ს. ფანცხავას «თხზულებანი», მ. მარილაძისა.—\* (ლექსი) ბ. ახოსპირელისა.—ნაწევრები  
პოლიტიკური ეკონომიიდან, ა. წულუკიძისა.—კუმბა (მოთხრობა) თარგ. ბარონისა.—კლასთა ინტერესების წინააღმდეგობა 1789 წელს, თარგ. ლ.  
ელიავასი.—განცხადებანი.

### კვირიდან კვირამდე (ფელეტონი)

დრამატიული საზოგადოება და „ლალატის“ ლალატი.—კუ-  
კიიდან რეჟისორობა.—კონკა და პირუტყვთა მფარველი სა-  
ზოგადოება.—კიდევ ვასილ წერეთელი.

ჩვენში და საზოგადოთ ყველგან მიღებულია „ლალატი“. უღალატოთ ჯერ არაფერი გაკეთებულა. სატრფო—სატრფოს ლალატობს, ცოლი—ქმარს, ქმარი—ცოლს, მეგობარი—მეგობარს, გონება—ბ. გოგიჩაიშვილს, პოეტი—ნიქს, ნიქი—პოეტს, რედაქტორი—თავის ჟურნალ გაზეთს, თფილისის ქალაქის გამგეობა—საკეთილო საქმეს, არტისტი—როლს, „ცნობის ფურცელი“—დროს, „ივერია“—დოს, „კვალი“.... „კვალს“ კი...

მაგრამ დრამატიულ საზოგადოებამ ამ მხრით ყველას გადაამეტა. მან დაამტკიცა ლალატის—ლალატიც შეიძლება და უღალატა—„ლალატს“. „ჩვენი ნებაა და არ დავდგამთ; აბა, თუ ბიჭები ხართ და ქუდი გხურავთ, გვაიძულებთო. ნუ გავახელებთ, მის ამარა, დაწყნარდით, თორემ ვიდრე სომხები, ფრანგები, თათრები, ურები და ჯანდაბა-დოზანელები არ დასდგავენ, ჩვენ ხელსაც არ მოვიკიდებთო.“

ღიან, ვიცით, პატივცემულო გამგეობავ, რომ თქვენი „მერანი“ უთავოა და საითაც თქვენი სურვილია, თავს იქით აბამთ. განა არ ვიცით?!

\*\*

ჩვენ ისიც ვი ვიცით, რომ არა ნაკლებ ლალატობს არტისტებს რეჟისორი. როდესაც ქართულ თეატრში რეპეტიციაა, თურმე, ნუ იტყვით, ეს პატივცემული პირი კუკიიდან თუ საიდანღაც რეჟისორობს. მე, სწორეთ მოგახსენოთ, არ მეგონა თუ ნახევარ ვერსის სიმორიდან რეჟისორობა შესაძლებელი იყო. ამას ჩვენ აღვნიშნავთ,—ისტორიისთვის დიდ მნიშვნელოვანია.

\*\*

და კიდევ გაოხრებას ნუ მოაკლებ... უკაცრავად... და მეოხრებას ნუ მოაკლებ „ცხენუკას“. (სახოკიას ლექსიკონით, ხოლო ჩვენებურათ—კონკას). დასწყევლოს ეშმაკმა, მართლა რომ ცხენუკაა. ბატონო, აქაოდა გაუგიათ „ეკონომიაო“ დილიდამ საღამომდის ორი ჩამომხმარი ცხენი ათორკიალებს დანჯღრეულ ცხენუკას. როგორც ვავიგეთ ქერსაც ძლიერ ცოტას აჭმევენ... ესეც „ეკონომიაო“. კაცო და ცხენს რა შავი ქვა ესმის „ეკონომიისა“. ბოდიშს ვიხდი თბილისის გამგეობასთან და ვირს კი ესმის. ვირი უსმელ-უჭმელი იმუშავეს,—თუ არ მოკვდა. ვირი დინჯი ცხოველია.... ვირი—ჩუმია როგორც ვირი. მე გირჩევდით ვირები შეგებათ, მაგრამ უბედურება ეგ არის, რომ „ცხენუკა“ „ვირუკად“ გადაიქცევა და ჩვენ ეშმაკმა დაგვიფაროს, რომ აქაო და „ეკონომიაო“ ვირუკაში ჩავსხდეთ.

\*\*

ცხენუკა რომ მუდამ და ყველგან სწორი გზით დადის ამას ამტკიცებს პირუტყვთა მფარველი საზოგადოება. როგორ? იკითხავთ. როგორ და აი ასე: ეს პატივცემული პირუტყვთა მფარველი გაფაციკვებით თვალ-ყურს ადევნებენ მედროვეებს, მებაფოსკეებს და სხვათა. თუ ერთი მათგანის პირუტყვმა წაიბორძიკა პოლიციაში მიყავთ. მე მინახავს ყირამალა დებულ ცხენუკა რომელზედაც ქუჩის ბიჭები შემდეგ ლათიას მღეროდნენ:

„ლაფში ჩაფლული ცხენუკა,  
დილლი თალა ლალე,  
კუდით ეწევა ცხენს ლუკა,\*  
შენ-კი გენაცვალე“.

ღიან, ცხენუკა მინახავს ამ გვარ სასაცილო მდგომარეობაში, მაგრამ სწორეთ მოგახსენოთ, პოლსციაში კი არ მინახავს. ალბათ პირუტყვთა მფარველი საზოგადოება იფარავს. ეჰ, შეილოლსა

\*) საწყალი ლუკა ი. ვ. კუჩერი უნდა ეწვალოს.

ერთი ხიდან არ არიან გამოქრილები?! თბილისის გამგეობავ, კურთხეულ იყოს საქმენი შენნი.

\* \*

დიდო ვასილ წერეთლო! დიდება გონებასა შენსა, რამეთუ გვასმინე შოთა რუსთაველი მნიშვნელოვანი არსო, თუმცა კი, შესაძლებელია ღირსიც არ ბრძანდებოდით მისი ხსენებისა. „შოთა რუსთაველი ყველა დროს ეკუთვნის, როგორც მზე, იგიც საუკუნოა და დაუსაბამო. ბრწყინავდა წარსულში, ბრწყინავს ეხლა და განათებს მომავალსაც“. ეს ხომ ვიცით მაგრამ შენს თავში როდის-ღა ჩაანათებს, რომ ჩვენ რუსთაველს ვიცნობთ. ვფიცავთ „შურდულის“ შემქნელ-მშობელს და შენს უწყალოად გამამაგებულ ლანძღვას, რომ ვიცნობთ. გვადროვ შენი ჭირიმე...

ი. ს. თანცხავას „თხზულებანი“

გასული წლის ბოლოს ქართულ ენაზე დაიბეჭდა, სხვათა შორის, ერთი გვიანნი მოხდელი წიგნი, რომლის შესახებ მე მსურს მკითხველს ვრცლიათ მოველაპარაკო. წინაწინვე უნდა განვაცხადო, რომ ის წიგნი, რომელზედაც მე ახლა ვლაპარაკობ, არც შინაარსის და არც გარეგანი ფორმის მხრით, არაფერს შესანიშნავს არ წარმოადგენს, ასე რომ თავის თავით იგი ჩვენი ლიტერატურისათვის სრულიად უნაყოფო დარჩება. ეს წიგნი არის ბ-ნ ი. ს. თანცხავას „თხზულებანი“. სანამ თვით „თხზულებათა“ დაწვრილებით განხილვას შევეუდგებოდეთ, საჭიროთ მიგვაჩნია ბ-ნ ი. თანცხავას პიროვნების გაცნობა, რასაკვირველია, მხოლოდ იმდენათ, რამდენათაც ეს პიროვნება მის ლიტერატურულ მოღვაწეობაში იხატება. ეს მით უფრო საჭიროა, რომ ჩვენ აქედან გავიცნობთ აგრეთვე ამ ახალ გამოცემულ „თხზულებათა“ მოკლე ისტორიასაც.

რამდენათაც ჩვენ ვიცით, ბ. თანცხავა ამ რვა-ცხრა წლის წინეთ გამოვიდა ლიტერატურულ ასპარეზზე. ყურადღების ღირსია ამასთანავე ის გარემოება, რომ, პირველი დრო გამოშვებით გამოცემა, რომელმაც ბ. თანცხავას გაუწია სტუმარ-მოყვარეობა და მისი გონების ნაწარმოები თავისს მკითხველებს მიაწოდა, იყო „კვალი“. აქვე უნდა შევნიშნოთ აგრეთვე, რომ „კვალის“ დაარსების შემდეგ და განსაკუთრებით ამ უკანასკნელ 7—8 წლის განმავლობაში, ჩვენ ლიტერატურაში, ე. ი. ჟურნალ-გაზეთობაში დიდი ცვლილება მოხდა. ამ ათი თხუთმეტი წლის წინეთ ჩვენს ლიტერატურას არსებითათ არ სწამდა ნივთიერ ინტერესების წინააღმდეგობა სხვადასხვა საზოგადოებრივ ჯგუფებისა, წოდებათა და კლასთა შორის. მისთვის იმ დროს ერთი წოდების ანუ კლასის კეთილდღეობა იმავე დროს მოასწავებდა მთელი ხალხის კეთილდღეობას, და არა პირიქით. ასეთი არაისტორიული და შემცდარი შეხედულება ჩვენში პირველათ „კვალმა“ დაარღვია; იმავე დროს ამავე ორგანომ იკისრა ახალი გზა, ახალი მამარულების გაკაფვა. თავის-თავად იგულისხმება, რომ ამ ახალი მიმართულების გაკაფვა პირდაპირი შედეგი იყო იმ ახალ საზოგადოებრივ ურთიერთობათა, რომლებიც წარმოშობა კაპიტალისტურ წარმოების განვითარებამ ჩვენში. თუმცა „კვალი“ თავიდანვე ახალი გზისაკენ მიისწრაფოდა, მაგრამ საბოლოოთ ახალ გზასე

დადგომა და ახალი მიმართულების გამოკვეთვა განსაკუთრებით უკანასკნელი ხუთი-ექვსი წლის საქმეა. როცა ბ-ნი ი. თანცხავა „კვალში“ თანამშრომლობდა, იმ დროს „კვალი“ ჯერ კიდევ არ ჰქონდა მტკიცეთ გარკვეულ მნიშვნელობა, რომელსაც იგი შემდეგში დაადგა, თუმცა მაშინაც ცხადი იყო, რომ მისი თანაგრძობა განსაკუთრებით მშრომელი ხალხისაკენ იყო მიმართული. ეს გამოურკვეველობა იყო იმის მიზეზი, რომ „კვალს“ პირველ ხანებში გარს ეხვიენ ისეთი ვაჟბატონები, და მათ რიცხვში ბ. ი. თანცხავაც, რომლებიც შემდეგში მისი დაუძინებელი მტრები შეიქნენ. ნახევრათ ბურჟუაზიულ-ლიბერალური აზრები, რომლებიც ბუნდოვან ფრაზებში იყო გახვეული და რომლებშიაც ადვილათ გამოიცნობდა ნამდვილი კონსერვატორი „ივერიიდან“, ნებას აძლევდენ ამ ვაჟბატონთ თავიანთი წერილები ერთხანს კიდევ „კვალში“ ებეჭდათ. 1895—1897 წლებში „კვალის“ რედაქციაში გამწვავებული ბრძოლა უხდებოდა ახალგაზდობის ორ ჯგუფს იმის თაობაზე, თუ ბოლოს ვის უნდა დარჩენოდა ეს ორგანო. ერთ მხარეზე იდგენ დიპლომატი პირები, რომელთაც ნიკთაერი შეძლება, ისე იმათი სოციალური მდგომარეობა ხელს უწყობდენ, რომ „კვალი“ იმათ დარჩენოდა. მეორე მხარეზე ჩვენ ვხედავთ ყოველსავე ამას მოკლებულ პირთ, რომლებიც სამაგიეროთ გამსჭვალული იყვენ ხალხის ნამდვილი სიყვარულით და მისდამი თავდადებული სამსახურით. რამდენიმეჯერ სასწორი პირველებისაკენ გადაიხარა, მაგრამ ბოლოს გამარჯვება უკანასკნელთ ხვდათ. ეს გამარჯვება იმავე დროს მოწმობს, რომ ჩვენ საზოგადოებრივ ცხოვრებაში ახალმა ურთიერთობამ დიდი ნაბიჯი გადადგა წინ. ამას შემდეგ ერთათ მოთავსება შეუძლებელი შეიქნა. „კვალმა“ მტკიცეთ და უკანდაუხედველათ დაადგა გარკვეულ პროგრამას. ამასთანავე მას ერთბაშათ ჩამოეცალენ ყველა ისინი, ვინც ბურჟუაზიულ-კონსერვატიული იდეებით იყვენ გაედენტოლი. ბ-ნ ი. თანცხავას შესახებ კერძოთ უნდა ვთქვათ, რომ იგი ერთი პირველთაგანია იმათ შორის, ვინც „კვალის“ ახალი მიმართულების გამო იძულებლი შეიქნენ მას ჩამოშორებოდენ.

ამ ნაირათ ბ-ნ თანცხავას „კვალში“ თანამშრომლობა უბრალო გაუგებრობა იყო, და როცა საქმე გამოირკვა, იგი მაშინვე თავის გზას გამოუდგა. მართალია, ერთბაშათ ვერ მიაგნო კვალს, მაგრამ, როგორც ნათქვამია ძველთაგან: ეძიებდეთ და პოებდეთო!—ისე ბოლოს ბ. თანცხავამაც მიაგნო, რასაც ეძებდა: ერთი მისი წერილი „ლექსები ალ. ჭავჭავაძისა“, რომელიც მის „თხზულების“ ბოლოშია მოთავსებული და რომელიც მისი უკანასკნელი ნაწარმოებია, 1902 წლის „ივერიაში“ იყო დაბეჭდილი. სანამ ბ. თანცხავა „კვალიდან“ „ივერიაში“ ამოყოფდა თავს, მან „მოამბეში“ სცადა ბედი, მაგრამ ამჯარაა, რომ ვერც „მოამბე“ და ვერც ბურჟუაზიულ-ლიბერალური „ცნობის ფურცელი“ ვერ გახდებოდა ნამდვილი მისი ნავთსაყუდელი. ასეთი ნავთსაყუდელი მას მხოლოთ „ივერიის“ ფურცლებზე შეეძლო მოეპოვებია. წარმოიდგინეთ, რომ ბ-ნი ი. თანცხავა, რომელიც ერთ დროს, ავთ იყო თუ კარგათ, ძველ საზოგადოებრივ ურთიერთობათა ადგილას ახალ ურთიერთობათა აღმოცენებას აღიარებდა კაპიტალისტურ წარმოების ნიადაგზე, რომელიც წინეთ წინაპრების გმირებათ დასახვას და იმათ წინაშე თავიანთსცემას მანებლათ თვლიდა, რამდენიმე წლის შემდეგ იგი გარდაიქნება ახალი ურთიერთობათა უარყოფელათ და წინაპრთა კულტურის უკიდურეს ხარისხამდე მოსარჩლეთ. როგორც ხედავთ, აქ ერთი გვამის, თუმცა არა „ზეგზარდმო მადლი ცხებულის“, აზროვნების მთელი ევოლიუციაა, მთელი განვითარება. ამ თავისებურ „ევოლიუციას“ ბ-ნი ი. თანცხავა საეგებით გვიშლის ჩვენ თვალ წინ თავის „თხზულებათა“ კრებულში. ბ. თანცხავას ტყუილა

\*) ბ. თანცხავას „თხზულებანი“ პირდაპირ და სრულებით შეუცვლელათ გადმობეჭდილია სხვადასხვა დროგამოშვებით გამოცემებისაგან, ამიტომ მოსალოდელი იყო, რომ ავტორი ან წინასიტყვაობაში და ან ცალკე სოლოებში დავესახელებდა იმ გამოცემათ, რომლებშიაც იბეჭდებოდენ მისი წერილები, მაგრამ სამწუხაროთ, ავტორს ეს არ დაუნახავს საჭიროთ, თუმცა წიგნისათვის ეს უმნიშვნელო რაღი იყო. ჩვენ შემდეგ გავიგებთ, რისთვის აუარა გვერდი ავტორმა ამ გარემოებას.

კი არ მოაქვს თავი თანამედროვე ევოლიუციონური მოძღვრების მიმდევართ, იგი თითქმის ერთ მის ბურჯათ თვლის თავის თავს (იხ. მის „თხზ.“, გვ. 66, 71, განსაკუთრ. 84). ასე გამოდის, რომ ბ-ნ ფანცხავას ევოლიუციონური მოძღვრება თითქო თავის აზროვნების განვითარებით სურს დაუმტკიცოს მკითხველსო. რა ვუყოთ, რომ ბ-ნ ფანცხავას აზროვნების „ევოლიუცია“ სრულებით პროგრესიული არ არის, პირ-იქით, იგი რეგრესიულია. თვით ბ-ნ ფანცხავამაც კარგით იცის, რომ „ბუნებაში ხშირათ რეგრესსაც აღვილი აქვს“ („თხზ.“, გვ. 131) მართალია, ბ-ნ ფანცხავას არც წინეთ ეტყობოდა სახეირო ნიშნები, მაგრამ მოსალოდნელი იყო გვეფიქრა, რომ მისი აზროვნება უკან-უკან არ წავიდოდა, არამედ წინ მიიმართებოდა. სამწუხაროთ ეს ასე არ მოხდა, და დღეს ბ-ნ ფანცხავაში ჩვენ ვხედავთ უფრო მეტ „ივერიელს“, ვინემ თვით „ივერიელები“ არიან.

ამნაირათ, ჩვენ გავიგეთ, თუ რომელ ლიტერატურულ ბანაკს ეკუთვნის დღეს ბ-ნი ი. ფანცხავა, რას ან ვის ინტერესების მოსამსახურე და მონა-მორჩილი გამოდის იგი როგორც მწერალი. აქ ერთ გარემოებაზე კიდევ შევაჩერებთ მკითხველის ყურადღებას, სანამ ბ-ნ ფანცხავას შეხედულებათა გარჩევაზე და დაფასებაზე გადავიდოდეთ.

„ჩვენ-კი პირადათ ყოველათ უწინარეს სიმართლევ, ჭეშმარიტება გვაძოქმოდებს, გვაწვრიებს, გვაძულებსთ“, — ამბობს ბ-ნი ფანცხავა თავის თავზე „თხზ.“, გვ 65—6). თუმცა იქვე გვეფიცება, რომ „ლანძღვა-გინებით სიმართლევ არ გამოირკვევა“, მაგრამ იმავე დროს: „დაჯობა, მაკთამაყოთობა, ჯათა-იქობი, ჯდაზნა, ზედჯა მისთვის ჩვეულებრივი სიტყვებია მოწინააღმდეგეთა დასამარცხებლათ. მაგრამ ეს კიდევ არაფერი, ბ-ნ ფანცხავას მედიდურება და სხვისი ბრიყვება აღწევს უკიდურესს ხარისხამდე. რუსეთის უდიდესი მწერალი — ლევ ტოლსტოი მისთვის „თავზე ხელადეკული და ჭკუზე შეშვრალი მორადისტია“ („თხზ. გვ. 10.“ „შაქსამე გარკა უვიცა“ და მისი სურათები ბოსნიკების ცხოვრებიდან უსულო და უგულო“, (იქვე გვ. 237). „ბელტოვ-ჟორდანია ერთ-თავიანი ტყულები არიან“ (გვ. 69, შენ); ენგელსს გარდა „ჰეგელის მეტაფიზიკური ბოდვისა“ არაფერი სცოდნია (გვ. 82); მარქსის „კაპიტალი“ მხოლოდ „მონაგრაფიული კვლევაა, მეტი არაფერი“ (გვ. 76) თუ ბ-ნი ფანცხავა ასე შეუბრალებლათ მოექცა მარქსს, ენგელსს და ლევ ტოლსტოის, თქვენ წარმოიდგინეთ, ბელტოვს რაღას დამართებდა, და მართლაც ბელტოვს ყველაზე უფრო მოხვდა ზურგზე ბ-ნ ფანცხავასაგან! ახია მაზე! რათ არ ისწავლა ქუა ევოლიუციონისტ ფანცხავასაგან? მოყოლია რაღაც „უსაფუძვლო ლათაიებს“ (გვ. 90, 121). ბელტოვის წიგნი „ისტორიაჲ მონისტურა შექედუების გ ს ე თ რ ე ისე გამო“ მას სიცილათაც არ ყოფნის: ის მისთვის რაღაც „ნაჯღანია“ (გვ. 97) და იმას წიგნაკს უწოდებს, მაშინ როცა თავის ულაზათო და უშნო წერილები, რომლებიც გიმნაზიის მეხუთე კლასის შეგირდს უფრო შეეფერება, „თხზულებების“ სახელით ასადებს. ბ-ნი ფანცხავა ამასაც არ ემარობს: ბელტოვი, მისი სიტყვით, „ქვენა ძალაა, რომელიც სინათლეს გაურბის“ (გვ. 114); ამიტომ მოუწადინებია მისი მეცნიერების „განქიება“ (გვ. 103), რათა „დანარჩენი მკითხველები შეცდომას და ცალმხრივობას ააცილოს“ (გვ. 104).

ამის შემდეგ რა გასაკვირველია, რომ ბ-ნ ფანცხავას, რომელმაც ერთი კალმის მოსმით მოსპო და გააკამტვერა ევროპის გამოჩენილი მეცნიერნი, რომლებმაც სრულიად ახალი შეხედულება დაამკვიდრეს ისტორიულ და სოციალურ მეცნიერებაში, ქართული მწერლობა არაფრათ მიაჩნდეს. მაგრამ ყურადღების ღირსი ის არის, რომ დღევანდელი ქართული მწერლობა ბ-ნ ფანცხავას მხოლოდ ზიზლსა გვრის. „დღევანდელი

ჩვენი მწერლობა — წერს ბ-ნი ფანცხავა — ერთიანათ და სრულყოფით ბაღდათა და უსუსურთა სათარქმთა შეიქნა. დღევანდელი ჩვენი მწერლობა მხოლოდ იმათ დაჩენიათ სასაქმუნოებენს და რიდი აქვს და გაბედულებაც მოქმადება, სხარტად და მარტად მარტად მკეტი ზირგახულებით იგინას, იღანძღას. დღეს ჩვენი მწერლობა იმათ შერჩენიათ სალალოათ, ვისაც ჩვენთა მოღვაწეთა ფასი და ღირსება კი არ აინტერესებს, არამედ ვინც კატაქტივით ახეპირებს გადამთიელთა და გარეშეთა ნაწუგეტ-ნაწუგეტს და აქა იქ ამოგაჯიფად სტატიის და ამ გარეშეთა ქალიშვილებსაც კი არ იფიქვებს (ეს „გარეშეთა ქალიშვილები“ ნეტა რას ნიშნავენ? მ. მ.) ჩვენი საკუთარი კი იმათ მხოლოთ საკიცხავათ არც გამოადგებათ. დღევანდელი ჩვენი მწერლობა მხოლოდ უბად-ასადებ და წყაღ-წასადებ ამბავთა კრებულთა, მკეტი არაფერი. სწორეთ ამ მწერლობის სრული გამოთაყვანებაა იმის მიზეზი, რომ აღ. ჯავჭავაძის ლექსთა შესწავლაში წინ ფეხი ვერ წავსდგით, მისი სრული ისტორიული მნიშვნელობა გათვალისწინებულნი არა გვაქვს სავსებითო“ (გვ. 220 ხაზს ყოველგან ჩვენ ვუსვამთ).

ბოდიშს ვიხდი მკითხველთან ამოდენა ტირადის ამოწერისათვის, მაგრამ ეს საჭირო იყო ბ-ნ ფანცხავას სრული დახასიათებისათვის. ბ-ნი ფანცხავა ერთ და იმავე დროს იღანძღება და ნიანგის ტოლს ცრემლებს ღვრის. მაგრამ ლანძღვაც არის და ლანძღვა. ბ-ნი ფანცხავა ლანძღავს და მიწასთან ასწორებს მთელ თანამედროვე ქართულ მწერლობას; და ეს მხოლოთ იმიტომ, რომ თურმე დღევანდელი მწერლობა აღ. ჯავჭავაძის ლექსებს ყურადღებას არ აქცევს, იმათ ისტორიულ მნიშვნელობას არ იკვლევს, და სამაგიეროთ კი ეს მწერლობა ისეთ მომაკვდინებელ ცოდვას ჩადის, როგორც არის „გადამთიელთა და გარეშეთა სტატიების გაზეზირება“. ჩვენ კარგათ ვიცით, თუ ვინ ყავს მას მხედველობაში, როცა იგი თანამედროვე ქართულ მწერლობას ლანძღავს და აგინებს. ჩვენ კარგათ ვიცით ისიც, თუ ვის გულისხმობს იგი „გადამთიელთა და გარეშეებში“! ამიერიდან უწყოდეს ბ-ნი ფანცხავა, რომ თანამედროვე ქართული მწერლობა თავს იწონებს მით, რომ მას შეძლება ეძლევა გადმონერგოს ქართულ ენაზე ევროპის დიდებულ მეცნიერთა დამსწავლულთა შეხედულებანი და ნაყოფიერი აზრები, ვინემ ჩვენ არშიყ მოლექსეთა შესწავლას შეალიოს თავისი ძალღონე. მაგრამ ეს მწერლობა ამ მოლექსეთაც არ დაივიწყებს, იმათი შესწავლა და დაფასება, როგორც სხვა მრავალი მხარეების ჩვენი წარსული და აწმყო ცხოვრებისა უფრო გავვიადვილდება ევროპის მეცნიერების შემწეობით. მაგრამ ყველაზე უფრო შეუფერებელი და შეუხამებელი ამ აულავამე ლანძღვა-თრევასთან ბ-ნ ფანცხავას მიერ ნიანგის ცრემლების ღვრასა. ნუ-თუ დასასახლებელია, რომ ბ-ნ ფანცხავას ამ ზომამდე აწუხებს ქართული მწერლობის უნუგეშო მდგომარეობა? ჩვენ ეს არ გვჯერა, არ გვჯერა იმიტომ, რომ ასე არ ლაპარაკობს ის, ვინც მართლა შეწუხებულა. და მართლაც რომ ეს ასე იყოს, ცრემლები ხომ მაინც ვერაფერს გვიშველის.

ასეთია ბ-ნი ფანცხავას გარეგანი ლიტერატურული სახე; თუ რა ღირსებისაა მისი ლიტერატურულ ვარჯიშობათა შინაარსი, რა ღრმა ფილოსოფიურ აზრებსა და დაკვირვებაზეა იგი აგებული, ამას ჩვენ შემდეგ გავიგებთ. მოსალოდნელი კი იყო, რომ ვინც ასეთი თავმომწონეობით, ასეთი რიხით და ასეთი საოცარი გაბედულობით მსჯელობს მეტათ საყურადღებო და სამძიმო კითხვების შესახებ, ვინც ასეთი მოურიდებლობით და ავადებით იხსენიებს მეცხრამეტე საუკუნის უდიდეს მეცნიერთა და მწერლებს, როგორც არიან, მაგ., ფილოსოფოსი ჰეგელი, მარქსი, ენგელსი, ლევ ტოლსტოი, საფუძვლიან ცოდნას და საკმარის დაკვირვებას გამოიჩინდა. გამოიჩინა კიდევ ეს ბ-მა

ფანცხავამ? მის „თხზულებათა“ გადაშინჯვამ ჩვენ კიდევ ერთხელ დაგვარწმუნა, რომ ისე 'რა წკიში, რაკორტ ქქი' —საქმის გასაადვილებლათ ჩვენ უფრო მოხერხებულათ მიგვაჩინა პირველათ განვიხილოთ დიდიექტური მატერიალიზმის „კრიტიკა“; შემდეგ შევეხებით ბ-ნ ფანცხავას დანარჩენ პუბლიცისტურ ხასიათის წერილებს; ბოლოს განვიხილავთ ბ-ნ ფანცხავას მსჯელობას პოეზიაზე საზოგადოთ და აღ. ქავჭავაძეზე კერძოთ. მაშ შევუდგეთ საქმეს.

მ. მარილძე.

(შეზღვევი ქება)

\* \* \*

როს ჩემი გული სევდა-კაეშანს,—  
 ვით სატრფოს საფლავს,—დასტორს, ვალალებს,  
 და უგზო-უკვლოთ მივაპობ ბნელსა,  
 ცრემლები მიღობს ნაღვლიან თვალებს,—  
 გზის მაჩვენებლათ მოვედ, ვარსკვლავო,  
 მით გულის სევდა მყისვე გაქრება...  
 ცას ხომ ანათებ,—ჩვენო სამყარო  
 როგორათა ცა ხშირათ ბნელდება.

ოჰ, ნეტავ ერთხელ ბედნიერების  
 სხივი მომფინონ შარავანდედათ...  
 ნეტავ ვიხილო მე გარიჟრაჟი,  
 განთიადისა წინამორბედათ.  
 სად არს სათავე მშვიდი ცხოვრების,  
 ვინ გადალენწავს დახშულ მის კარსა...  
 არა, აღარ მსურს გულში მიკლავდენ  
 ყოვლად უმართლეს ჩემს სათხოვარსა.

და გმირი ურჩი, შეუპოვარი,  
 მსწრაფლათ ეკვეთა მთისა მწვერვალსა,  
 ვისნი ბაგენიც წარმოიტყოდენ:  
 „დავთურგნავ ზამთარს, და მომავალსა  
 ავაყვავილებ... მთიდან სიცივე  
 იწყება... ოჰ, თუ მიმიწვდა ხელი...  
 ძალა არ შემწვეს,—რა უშავს?—ხშირათ  
 სიმართლე არის აღმართის მხენელი.“

ზღვავ, ზეცის სარკვე, გემუდარები,  
 ჩვენთ მოწყვეტილთ გმირთ ეტყოდენ ნანას...  
 ოჰ, რაც ჩააქრეს თუ არ აღვანთეთ,  
 შემძულდება ცა, დავწყევ ქვეყანას.

ბ. ანოსპირელი

### საწყვიტები პოლიტიკური ეკონომიიდან

(საუბარი მკითხველთან)

VIII

მ ა ნ ქ ა ნ ა

მანუფაქტურა შრომის განაწილების საშუალებით შრომას აორკეცებდა; რთულ სამუშაოს ანაწილებდა პატარ-პატარა სამუშაოთ და თვითოველს მუშას მიუჩენდა ერთს პაწია საქმეს, მწარმოებელის შრომა სიმართლისა და ერთფეროვნების გამო მანქანისებური იყო, მეხანიკურათ სწარმოებდა. მხოლოდ, რადგან შრომა მაინც ადამიანის ორგანოებით სრულდებოდა, რადგან მუშის ხელი იყო უმთავრესი საწარმოვო იარაღი, ამიტომ შეუძლებელი იყო ამ იარაღის უსაზღვროთ გაუმჯობესე-

ბა-განვითარება. მუშის სიმარჯვეს, მოხერხებას, შეჩვევას, დაკვირვებას, ერთი სიტყვით, ოსტატობას ბოლოს უნდა ქონოდა, და ის ვერ იმატებდა დაუსრულებლათ და უკანასკნელ საზღვარს ვერავითარი მეცადინეობით ვერ გადასცდიდა მწარმოვე ელი. ბაზრის გაფართოება, საქონლის გამრავლების საჭიროება კი დღითი დღე ითხოვდა გაუმჯობესებულ წარმოებას, მეტ სისწრაფეს, მეტ ბეჯითობას კაპიტალისტთა შორის სასტიკი მეტოქეობა საქონლის გაიაფებას საჭიროებდა, საქონლის გაიაფება-კი შრომის გაუიაფებლათ ხელს არ აძლევდა მექარხნეს, ამიტომ მისი სურვილი აუცილებელი სამუშაოდროს შემოკლებისა ე. ი. სამუშაო ქირის შემცირებისა კიდევ უფრო მატულობდა, ფრთას იშლიდა და ცხოვრებას, მის საგეშებლათ მორთულ-მოწყობილს, უნდა დაეკმაყოფილებინა ასეთი ფართო მოთხოვნილება. და ცხოვრებამ იგი დააკმაყოფილა მანქანის სახით. მანუფაქტურა გადაუვალ საზღვარს მიადგა, აღრეულათ დალია სული და თვისი მემკვიდრეობა მთელათ მანქანას დაულოცა. ამით მწარმოებელს მისი წინანდელი როლი ჩამოერთვა, სულიერი არსების საქმე უსულო მანქანამ მიიღო ვასაკეთებლათ. მანქანა უმთავრესათ მით განსხვავდება წინანდელი იარაღისაგან, რომ წარმოებდა ადამიანის ძალის მაგიერ ბუნების ძალა ასრულებს. იგივე იარაღები, იგივე ხელსაწყო, რაც წინეთ მანუფაქტურის დროს იყო, მხოლოდ მანქანა ერთი იარაღის მაგიერ მრავალ იარაღებს ერთდროულათ ამოძრავებს, ამოქმედებს. მანქანა სამი ნაწილისაგან შესდგება: 1) მამოძრავებელი ნაწილი, 2) გადაძვევი მექანიზმი და 3) აღმასრულებელი მექანიზმი ასუ სემუშათ მანქანას. პირველს—მამოძრავებელს ნაწილს მოძრაობაში მოყავს მთელი მექანიზმი; ეს ან თვითონვე შობს თვისი მამოძრავებელ ძალას, როგორც მაგალითათ, ორთქლის მანქანა, ელექტრონი და სხ. ანუ ღებულობს ამ ძალას გარედან, ბუნების რომელიმე ძალისაგან, როგორც მაგალითად, მდინარის წყალი, ქარი. მეორე—გადამცემი მექანიზმი ბორბლების, ლევების, ჯაჭვების და სხვა ათასგვარი რამეების საშუალებით აწესრიგებს მთელ მოძრაობას: გადააქვს ნივთიერება ერთი ადგილიდან მეორეზე, სცვლის ფორმას, ანაწილებს მასალას; მხოლოდ ორივე ეს ნაწილები მამოძრავებელი და გადაძვევი მიტომ მოძრაობენ, რომ გადასცენ ძალა საბოლოოთ და ამოძრავონ სამუშაო მანქანა ანუ აღმასრულებელი მექანიზმი. ეს უკანასკნელი სწორედ რედ იმ იარაღებისაგან წარმოსდგება, რომლითაც მუშაობდა მწარმოებელი მანუფაქტურის დროს; ამნაირათ მანუფაქტურის უშის როლს დღეს მანქანა ასრულებს. გუშინ მწარმოებელი თვითონ აწარმოებდა, აკეთებდა საქონელს, დღეს ის მხოლოდ თვალყურს ადევნებს წარმოებას, ხელს უწყობს მანქანის სწორსა და მუდმივს მოძრაობას. წინეთ ხელოსანი თვალ-ყურის მგდებელიც იყო და მკეთებელიც; ფიზიკური შრომის აღსასრულებლათ ის გონებრივათაც მუშაობდა, მხოლოდ მანუფაქტურის დროს მას პირველი მოვალეობა ჩამოერთვა, გონებრივი შრომა მოეხსო და ის იძულებული იყო მეხანიკურათ გაეწეა ფიზიკური შრომა. მანქანამ კი ისევ დაუახლოვა დღევანდელი მუშა მის ძველს თანამომძმეს—ხელოსანს ამ მხრით. დღეს ის გარდა იმისა, რომ ფიზიკურათ შრომობს გონებაც მოძრაობაში მოყავს, საჭირო შეიქნა შუბის სულიერი თვისებანიც და ამიტომ თანამედროვე წარმოება-გონების სავარჯიშო ასპარეზი გაუფართოვა მუშას. როგორია ეს ასპარეზი და რას უქადის იგი მწარმოებელს, ამას შემდეგი დავგანახვებს, მხოლოდ ის კი უეჭველია, რომ გათვითცნობიერების ნიადაგი ნაპოვნია; ზედ გამაგრებას და განვითარებას-კი სხვა პირობებიც უნდა უწყობდეს ხელს და ამ პირობების შექმნა-განმტკიცებას უნდა ცდილობენ ყოველი გონიერი ადამიანი!..


ზევით ნათქვამიდან სიხანს, რომ სამუშაო მანქანა ისეთი შექანიზირია, რომელიც თავისი აარადებს საშუალებით ამავე სამუშაოს ასრულებს, რასაც ასრულებდა წინეთ შწარმოებულ იმნაირი კუბოებით. მას შემდეგ რა რომ საწარმოო აარადი მუშას ჩამოერთვა და მეხანაზმს გრდაცეს სახმარებლათ, მანუფაქტურის ადგილი მანქანამ დააკავა წარმოებაში. მანქანის უმთავრესი ღანიშნულება იგივეა, რაც ყოველი სხვა გაუმჯობესებული საწარმოვე იარაღის: მისი საშუალებით უნდა გაიფადეს საქონელი, შემოკლდეს სამუშაო დღის ის ნაწილი, რომელსაც მუშა თავის თავს ანდომებს და მით გაგრძელდეს ის ნაწილი, რომლის ნაყოფი კაპიტალისტის სრულს კუთვნილებას შეადგენს. რა თქმა უნდა, ამ მხრით მანქანა ბევრათ წააჯობებს წინანდელს წარმოებას. რაც უნდა დახელოვნებული იყოს მუშა, მას არ შეუძლია მრავალი იარაღებით ერთდროულათ იმუშაოს, მხოლოთ მანქანასათვის ეს მოსახერხებელი ხდება. მუშას არაოდეს არ შეუძლია ისეთის სისწრაფით, თანასწორებით შეასრულოს სამუშაო, როგორც მანქანას; ამ უკანასკნელის ყოველი მოძრაობა წინადვე გამოანგარიშებულია რიცხვით, ზომით; ეს უსულო მეხანიზმი, სწორეთ იმიტომ, რომ უსულოა, დაუღალავიც არის და ამიტომ მას შეუძლია დღე და ღამ, წლიდან წლამდე შეუსვენებლათ იმუშაოს: მას არც სასადილო დრო ეჭივრება და არც დასაძინებელი და, აბა ასეთ მოუსვენარს რა მეტოქეობა უნდა გაუწიოს ხორც შესხმულმა ადამიანმა?! რამდენათ უფრო ნაყოფიერი უნდა იყოს მანქანის წარმოება დახელოვნებულ მუშის შრომაზე, ადვილი წარმოსადგენია. „ადამ სმიტს“—ამბობს შიპელი,—„სასწაულათ მიიჩნდათ, როცა 10 კაცი 48 ათას ქინძისთავს აკეთებდა დღეში. დღეს კი, როცა მანუფაქტურის მაგიერ მანქანა მუშაობს, სამი მუშა, რომელნიც პირდაპირ არც კი აწარმოებენ, არამედ მხოლოთ აწესრიგებენ, თვალყურს ადევნებენ, დღეში შეიღმილიონ ნახევარი ქინძისთავის გაკეთებას ასწრებენ.“ „წინეთო“—განაგრძობს იგივე ავტორი,—დახელოვნებული მუშა დღეში მხოლოთ ორმოც წყვილ ზაპონკის გაკეთებას ახერხებდა, დღეს კი მანქანაზე ერთი პატარა ბავში დღეში 9 ათას წყვილს ამზადებს. იმდენათ დიდია ეს ახალი ძალა, იმდენათ სასარგებლო და მოსაგებია მისი ხმარება, მხოლოთ კაპიტალისტი მასაც ადვილათ ისაკუთრებს. ჩვენ წინეთ უკვე გავიგეთ, რომ შრომის განაწილება და კოლერაციისაგან წარმომდგარი სასარგებლო ძალით კაპიტალისტი მუქათათ სარგებლობს. ის არაფელს იხდის აგრეთვე ბუნების ძალაშიაც, მხოლოთ ამ ძალებს მოხმარა ეჭივრება, მოხმარებას ადამიანის შრომა უნდა, ამიტომ წარმოებისათვის ყოველ შემთხვევაში მწარმოებელია საქირო, კაპიტალისტს მუშა ყოველთვის და ყოველგან ესაქიროება. მანქანის შემოღებით მხოლოდ ერთი თვალსაჩინო ცვლილება მოხდა: მწარმოებლის სამუშაო იარაღები მანქანას გარდაეცა, მხოლოდ ამ ცვლილებისაგან წარმოსდგა მეორე ფრიად დიდმნიშვნელოვანი ცვლილება: მწარმოებელი უბრალო ყურის მგდებელი შეიქნა მანქანის მოძრაობის და ამ მოძრაობის მოსაწესრიგებლათ მოძრაობს მხოლოდ მუშა. ის დღეს წარმოების ყველა წვრილმანებს ადევნებს თვალყურს, საქონლის საწარმოებლათ მომართულ ყველა ძალებს ხელმძღვანელობს, მუშაობის მთელ პროცესს! ეცნობა, ერთი სიტყვით, მისი გონება უფრო მეტს, უფრო საზრიან მონაწილეობას ღებულობს მუშაობის დროს. ჩვენ ვთქვით მუშა მანქანის წარმოების მხოლოდ ყურის მგდებელია თქო, მისი შრომა ამით განისაზღვრება, მაგრამ ეს შრომა მაინც ერთადერთი წყაროა ზედ-მეტი ღირებულების და მანქანის გამოგონებით ეს სრულიად არ შეცვლილა; ან კი როგორ უნდა შეცვლილიყო?

(გაგრძელება იქნება)

ა. წულუკიძე.

# კ უ ბ რ

(თარგმანი)



ქართული

18\*\* წლის გაზაფხულზე ბარცლონაში ბინა მანუფაქტურაში ჩემი ახალი სადგომი მეორე სართულზე იყო, ქვემოთ-კი კუბოს მაღაზიას ეჭირა. შუშის კარებიდან მოჩანდა სხვა-და-სხვა ნაირი კუბოები: აქ იყო, როგორც გალაქული, ისე შავ და თეთრ მათ შერეობებზე, როგორც ეს ისპანიაში იციან ხოლმე იყო კუბოები დიდებისთვის, ახალგაზღვებისთვის და აგრეთვე კოპწია ლამაზი კუბოები ბავშვებისათვის. ეს მაღაზია ჩემს სახლის პატრონს—ენრიკო სანხეცს ეკუთვნოდა. იქ მუშაობდა ახალ-გაზრდა ქალი კონჩიტა, რომლის მოვალეობა იყო მატერიის შემოვლება კუბოებზე და ბუზმენტებით გაწყობა. ახალ-გაზრდა, მაღალ და ტანად ქალს ამშვენებდა საუცხოვეო თმები. ერთი შეხედვით დაღონებულ ანგელოზს მიაგავდა. იმისი ლმობიერი სახე ქუჩაში გავოსვლისას არასოდეს არ მავიწყდებოდა ცალი თვალით იმისკენ გადახედვა. შეხვედრისას თუმცა ვაძლევედი სალამს, მარა ჯერ კიდევ არ გავლაპარაკებოდი ერთმანეთს.

ერთ საღამოს, როცა ჩემამდი უფრო ძლიერათ ახწევდა აღელვებული ჭაღხის გუგუნე, მე შეველი მაღაზიაში და სანხეცი ვიკითხე; რომელიც ამ დროს ზორანს აყოლებდა კუბოს. მიპასუხა, რომ ჩემი სახლის პატრონი ახლახან ადღაც წავიდოდა. როცა პასუხს მაძლევედა, თავი მაღლა აიღო და შემომხედა თავისი გრძნობიერი თვალებით. რა მშვენიერი იყო ის ამ დროს! მის ფერმკრთალ სახეს თითქო შესაბამებოდა მტრედის ფერი ტანსაცმელი. გულზე დაბნეული ჰქონდა თეთრი ყვავილი „ახალია“. იმის მოვლვარე თმაზე თითქო მთვარის სხივები დაქათქათებდა. ის იყო ნაზი, როგორც გაზაფხულის ყვავილი და ტურფა როგორც მშვენიერი ფვია. რამოდენიმე წამს, სანამ ის მუშაობდა, განაგრძობდა მე შევესტრფიალებდი მის სიმშვენიერეს. შემდეგ ის ჩამოჯდა ერთ შეუკაზმავ კუბოზე და ჩვენ შორის გააბა მუსაიფი.

კონჩიტა არ იყო კატალონიიდან, რაც ცხადათ ემჩნეოდა მას რბილ ნაზ გამოთქმაში. ლაპარაკში გამოირკვა, რომ იმისი სამშობლო ძველი კასტილიაა. ახლა არ მახსოვს თუ რაზე ვლაპარაკობდით მაშინ, ეს კი მახსოვს, რომ თავი შევეკავე და არ მიმხელია მისი სიმშვენიერე. სხვათა შორის ვკითხე, რომ ამ არეულობების ხომ არ გეშინია თქვა.

— როგორ არა, — მიპასუხა მან, — ძლიერ გეშინია კიდევ. ის მხოლოთ ხან-და-ხან თუ მოაშორებდა თვალს სამუშაოს. მისი ნაზი ხელები განუწყვეტლივ მოძრაობაში იყო. მარცხენა ხელზე ოქროს ბეჭედი უბრჭყვიანებდა. იმისი მუსიკალური ხმა სმენას ისე ატკობდა, რომ მზათ ვიყავ დამეხუჭა თვალები და მესმინა, მესმინა დიდხანს.

უტბათ მან შეჭკივლა და თავი მაღლა აიღო.  
 — რა მოგივიდათ? — განცვიფრებით შევეკითხე მე.  
 მან აცახცახებული მარცხენა ხელი ტუჩებზე მიიტანა თითზე მომდგარი ერთი წვეთი სისხლის გამოსაწუწუნათ და მარჯვენათი კი მიმითითა კუბოზე. მე დავიხარე კუბოში ჩასახედათ და შიგ რამოდენიმე სისხლის წვეთი შევნიშნე. კუბოზე ზონრის შემოქედის დროს კონჩიტას თითი გაეჭრა. ის ძალზე გაფითრებული ამტერდებოდა კუბოს.

— ძალიან გეტკინათ? — თანაგრძნობით შევეკითხე მე. მას არც კი გაუგონია ჩემი კითხვა, ისე გაეტაცა ფიქრებს.

— ცუდი ნიშანია, — წარმოსთქვა მან. — ან მე და ან შენ და ან სხვა მახლობელი ჩაწვება ამ კუბოში. სისხლი სისხლს იზიდავს.

— როგორ არ გრცხვენია კონჩიტა! — შევსძახე მე. — რა მწარე ფიქრებია, ან და რა ცრუმორწმუნეობაა.

იმან თავი გაიქნია,—არა, მე ნამდვილათ ვიცი, სისხლი სისხლს იზიდავს.

ამ წუთში ჩემი ყურადღება მიიპყრო ყვავილმა, რომელიც მას გულზე ქონდა დაბნეული და თავში შესანიშნავმა აზრმა გამივლიდა; მე მოვვლიჯე ყვავილი და კუბოში ჩავაგდე.

—ახლა ნურავის გეშინიან, კუბომ მიიღო თავის მსხვერპლი, კონჩიტას გაფითრებულ სახეზე მკრთალმა ღიმილმა შეითამაშა.

—არა მგონია ის მაგვარი მსხვერპლით დაკმაყოფილდეს; ყველაფერი ისედაც მალე ჭკნება.

—მაგრამ სისხლი რომ არ დაღვრილიყო, ყვავილი შენს გულზე დასჭკნებოდა და არა ბნელ კუბოში. ამასაც მნიშვნელოვან აქვს.

—ღმერთმა ქნას, რომ კუბომ იკმაროს ეს მსხვერპლი,—დაფიქრებით წარმოსთქვა კონჩიტამ,—მარა მე მაგის იმედი არა მაქვს მეთქი.

—ეს რა უღომობელი კუბო ყოფილა!—ხუმრობის კილოთი ჩავილაპარაკე მე და წამოვდექი წასასვლელათ. გამომშვიდობების დროს გაუწიე ხელი. იმისი გაყინებული ხელი კი კვლავ ცახცახებდა.

—წავიდე ერთი შევიტყო რა ხდება ქალაქში... ეს რაა, მგონი თოფის ხმა იყო? თხოვეთ დონ სანხეს სახლში გაგაცილოს; მარტო არ გახვინდეთ ქუჩაში. ამ სიტყვებით გამოველი მალაზიიდან.

მე ნელა მივდიოდი. მალაზიები ყველა დაკეტილი იყო და ქუჩის მოძრაობა შეწყვეტილიყო, მხოლოდ აქა-იქ მხედებოდა გაცხარებით მოლაპარაკე ხალხის გროვა. რამდენს იქით ვიწვედი, იმდენათ უფრო და უფრო ჯგუფდებოდა აბობოქრებული ხალხი. სახლების და მალაზიების ფანჯრებზე ლაწალუწი გაჰქონდა ქვევს. მოუსწრო პოლიციამაც. აქ კი ხალხსა და წესიერების დამცველებს შუა გაჩაღდა ხელჩართული ომი. მე გავეშურე იქითკენ, საიდანაც, როგორც აღვლევებული ზღვის ტალღების ხათქა-ხუთქი ისმოდა ხალხის მრისხანე გრგვინვა.

იქ, ხელათ ამართულ ბარიკადაზე ავიდა წარმოსადეგი ტანის ყმაწვილი კაცი, ფერადის დროშით ხელში. ის ჯერ სულ ახალგაზნდა იყო, უღვაშები მხოლოდ ახლა ელინდლებოდა. მის მეტათ ლამაზ სახეს უფრო ამშვენებდა მოგრძო შავი თმა. ის გამირულათ გამოქიმულიყო ბარიკადაზე და სხვებთან ერთათ გაჰკიოდა: „გაუმარჯოს თავისუფლებას!“ მის ცეცხლის მფრქვევ თვალეში უზომო სიმამაცე იხატებოდა.

ცხენოსანთა რაზმი თანდათან უახლოვდებოდა ბარიკადს. ქაბუკმა რევოლვერი გაისროლა მათკენ და უფრო მალლა ააფრიალა დროშა. ამ დროს ერთი მხედართაგანი ამოღებული ხმლით გამოექანა მისკენ, აიწია უზანგზე და ისე მაგრა დასცა ხმალი მხარზე, რომ გასჭრა ძვალი და გულამდი ჩააწია.

ქაბუკი გაღმოვარდა ძირს და დროშა ხელიდან გაუვარდა. ხალხს მწვავე გმინვა ამოხდა გულის სიღრმიდან: ამხანაგები მიცვივნენ ქაბუკთან და შეეტანენ პოლიციელთ. შეიქნა საშინელი ელეთა... მე გადავწყვიტე გავშორებოდი ამ გულის შემზარავ სურათს და გავეშურე შედარებით უფრო წყნარ ქუჩისაკენ, სადაც კატალონელი გოგოები ყვავილებით ვაქრობენ ხოლმე. მინდოდა კონჩიტასთვის „ახალია“ მეყიდა, მარა ტყვილა დაუწყებდით დღეს ყვავილების ძებნას: სადაც უწინ ვარდი და მიხაკი იყიდებოდა, ახლა იქ გაბრაზებული ხალხის გროვა ჩანდა, მრისხანე თვალეები ეღვარებდა და ასაღვლებელი სიტყვები ქუხდა. ამ გვართ ნავთსადგურამდის მივალწიე, დავიქირავე ნავი და გავსწიე შუაგულ ზღვაში; მინდოდა როგორმე გამექარებინა გამოვლილი შთაბეჭდილებანი.

საკვირველი წყნარი და მოწმენდილი საღამო იყო. ჩა-

მოვჯექი ნავის ბოლოზე და დავუწყე ცქერავ არსკვლავებით მოჭედებულ ცას. ისე გამიტაცა გარემოცულმა მკუდროებამ, რომ თითქმის გადამავიწყდა ქალაქის ამბები.

როცა სახლში ვბრუნდებოდი, მალაზიის კარებთან შევნიშნე მოხუცი მეკარე. მის ნაღვლიან სახეზე ამოვიკითხე, რომ რალაც არაჩვეულებრივი მომხდარიყო.

—რაშია საქმე?—შევეკითხე მოხუცს.

იმან ხელით მანიშნა, რომ გავჩუმებულიყავ, შემდეგ მალაზიისკენ მიმითითა და სიფრთხილით კარი გამიღო. მე შიგნით შევიხედე; გახით განათებულ მალაზიაში კონჩიტა იჯდა და ტირიდა. ის გულით მიყრდნობოდა კუბოს და ხელები ზედ დაეწყო. მთელი იმის ტანი ირთოდა გულამოსკვნილ ქვითინის გამო. ის ისე შთაენთქა მწუხარებას, რომ არც რამ ესმოდა და ვერაფერსაც ვერ ხედავდა თავის გარშემო. ეს იყო განხორციელებული განწირულება!

მეკარემ ისევ მიხურა კარები.

—რისთვის ტირის ის?—შევეკითხე მე.

—კუბოს დასტირის.—მიპასუხა მოხუცმა.

—როგორ თუ კუბოს?

—ჰო, კუბოს; აი მაგ კუბოში ჩაასვენებენ მაგის სათაყვანოს, რომელიც დღეს მოკლეს.

მე მაშინვე თვალწინ წარმომიდგა ბარიკადა და ზედ ლამაზი ქაბუკი დროშით ხელში. საწყალი ყმაწვილი! საცოლადვი კონჩიტა!

შეველი ოთახში თუ არა, გამოვალე კარები და აივანზე გამოველი. ზევიდან მოჩანდა ბნელი ცა მოციმციმე ვარსკვლავებით და ქვევიდან კი ისევ ისმოდა აჯანყებულთა კიჟინი და გამირული ჰიმნი...

ბარონი.

### კლასიკის ინტერესების წინააღმდეგობა 1789 წელს

(ისტორიული წერილი)

თარგმანი დ. ელიაშვილის

IV

არა ნაკლები წინააღმდეგობა იყო გამეფებული ხელოსანთა შორის, ვიდრე კაპიტალისტებში. ამქრული ორგანიზაცია კარგა ხანია რაც ერთ წერტილზე იყო გაყინული. ის გადიქცა საშვალეობათ მთელი სახელოსნო წარმოება რამდენიმე არჩეულთა ხელში გადასულიყო. ის შეიქნა პრივილეგია, ოსტატისა, განსაკუთრებული უფლება მისი. რამდენათ პატარა იყო და ვიწრო ამ არჩეულ პირთა სამოქმედო ასპარეზი, იმდენათ ადვილი იყო და ხელსაყრელი ქარგლების და მხმარებლების ექსპლუატაცია. ქარგალი ოსტატთა წოდებაში გადასულიყო, თითქმის შეუძლებელი გახდა. ოსტატთათ განდომისათვის საჭირო იყო: ქარგალი ან ოსტატის შეილი უნდა ყოფილიყო, ან უნდა შეერთო რომელიმე ოსტატის ქალი; ანდა ოსტატის ქვრივზე უნდა დაეწერა ჯვარი, რომ ვინმე გარეშეს ოსტატის უფლება მიეღო, ეს შეზღუდული იყო არა მარტო ათასგვარი პირობებით, არამედ გარემოცული იყო იმ გვარი მოთხოვნილებებით, რომლებიც შეუძლებლათ ხდიდენ დასახლებული უფლება მიეგლოთ. ხშირათ ამქრული ორგანიზაცია ისე კარგაკეტილი იყო, რომ განსაზღვრულ წევრებზე მეტის მიღება არც კი შეიძლებოდა. ოსტატები ძრიელ ცდებოდენ, თუ იმას ფიქრობდენ, რომ განუსაზღვრელ, პოლიციურ სახელმწიფოში შეიძლება მონოპოლიის შერჩენა მხოლოდ მარტო თავის სასარგებლოთო. ძველი სამეფო უკანონოთ თვლიდა რომელიმე მკირე ჯგუფს მონოპოლიის საშვალეობით ეყვლითა ხალხი და მისთვის ე. ი. ძალის წარმომადგენლისთვის არაფერი ერგუნებია. უფლება ოსტატის წოდების მოწმობის გაცემისა—

რა თქმა უნდა კარგს ფასებში—გვირგვინის მონაპოვლიათ იქნა აღიარებული. მანვე იგდო ხელში უფლება საამქრო გამგეობის წევრების დანიშვნისა. თუ ამქრები მოისურვებდნენ შეინარჩუნებიათ თავის პრივილეგიები, ამ შემთხვევაში მათ გვირგვინისთვის უნდა ეძლიათ აუარებელი ფულები. აქ დაწესებული ფასები არ არსებობდა, არამედ რამდენსაც და როცა გვირგვინი მოისურვებდა, ეს ე. ი. როცა ტახტი ფულს საჭიროებდა\*) ოსტატები ძლიერ მოწადინებული იყვნენ დაეცვათ პრივილეგიები და ძველი სახელმწიფო წყობილება: ისინი, როგორც ყველაზე ნაკლები პრივილეგიის მქონე, მსხვერპლი უნდა შექმნილიყვნენ რეფორმაციის პოლიტიკისა. ტიურგოს რეფორმების პირველი ისარი მართლაც მათ მოხვდათ გულში ყველაზე უწინ. სულ წინააღმდეგ პირობებში იმყოფებოდნენ ქარგლები: მაი. შეადგინეს ცალკე წოდება განსაკუთრებულ წოდებრივი ინტერესებით. ისინი დაქირავებულ პროლეტარებათ არ თვლიდნენ თავიანთ თავს. ხელი-ხელ ჩაკიდებული ისინი ერთათ მოქმედობდნენ იმ ოსტატებთან, რომლებიც ამქრულ ორგანიზაციას არ ეკუთვნოდნენ, და რომელთაც ქვევით გვექნება ლაპარაკი. თვითელი ქარგალი იმას ნატრობდა და ოცნებობდა, რომ რამე ნაირათ ოსტატი გამხდარიყო, რომელსაც ეწინააღმდეგებოდნენ არა ეკონომიური პირობები, არამედ პოლიტიკური დაწესებულებაანი. ისინი ცდილობდნენ შეეცვალათ არა წარმოების ფორმა, არამედ ზოგიერთი შემავიწროებელი კანონები; მათ არ უნდოდათ მომსპარიყო სახელოსნო სისტემა წარმოებისა და ახალი, უკეთესი შემოეღოთ; ისინი ცდილობდნენ სახელოსნო შრომის ორგანიზაცია შეეცვალათ და გადაესხვაფერებიათ. ისინი მეტათ მტრულათ უყურებდნენ ამქრის ოსტატებს. ამავე დროს კი სულით და გულით შეტრფოდნენ ოსტატათ გამხდარიყვენ, სხვა ოსტატებთან დამჯდარიყვენ, რომელთა რიცხვიც თანდათან იზრდებოდა და მატულობდა.

რევოლიუციის დაწყებამდე სამეფოში იყო ისეთი ადგილები, სადაც ამქრული წყობილება არ იყო შემოღებული. თავდაპირველათ თითონ ამქრული ორგანიზაცია თითონ ქალაქებში განმტკიცდა და გამაგრდა; სოფლებში არ იყო გავრცელებული. ზოგიერთი სოფლები, რომლებიც ქალაქების მახლობლით მდებარეობდნენ, თუმცა შეუერთდნენ ქალაქებს, მაგრამ დღევანდლამდე შეინარჩუნეს თავისუფლება და დამოუკიდებლობა. როცა ლიუდოვიკო XIV მეფობის დროს მძინვარებდა საშიშარი სილატაკე და სილარიბე იმ ხელოსანთა შორის, რომლებიც ამქარს არ ეკუთვნოდნენ და რომლების ზიზლი ამქრის წინააღმდეგ საკმარისათ გაიზარდა, მთავრობამ მოინდომა დაემშვიდებია ადგილებული ხალხი იპით, რომ გაათართოვა ამ ადგილების პრივილეგიები, განსაკუთრებით ბედნიერ ყოფაში დარჩა პარიჟის უბნები: სენტანტუანის *du Temple*. ყველა ქარგალი, რომელიც ოცნებობდა დამოუკიდებლობაზე და არავითარი იმედი არ ქონდათ ამქრის ოსტატათ გამხდარიყო, გაეშურა ამ მიდამოებისკენ. რამდენათ ძლიერდებოდა მათი რიცხვი, იმდენათ იზრდებოდა მათ შორის კონკურენცია, იმდენათ მეტი უკმაყოფილებით ემორჩილებოდნენ იმ ზომებს, რომლებიც შემოღებული იყო სახელმწიფოს მიერ. იმდენათ მეტ ზიზლს და შურს გრძნობდნენ იმ ამქრის ოსტატათ მიმართ, რომლებიც შეძლებულათ ცხოვრობდნენ. იქ, სადაც ამქრული წყობილება არ იყო შემოღებული, კაპიტალისტები აშენებდნენ მანუფაქტურას. აქ ისინი ყველაზე უფრო ადრე იშოვიდნენ იმას, რასაც მეტად საჭიროებდნენ—

გამოცდილ და მცოდნე მუშებს, რომლებსაც, როგორც უნდა დათ, ისე გაყუდიდნენ. ამ გვართ სხვა ათას წვრილ ოსტატთან და ქარგალთან ერთათ აქ ვხვდებით აუარებელი დაქირავებულ მუშებს, რომლებიც ხელოსნებიდან იყვნენ გამოდევნილი და რომლებიც უერთდებოდნენ მათ აზრებს. პროლეტარიატი, როგორც დამოუკიდებელი კლასი, რევოლიუციამდე არ არსებობდა.

ამ ელემენტებს უერთდებოდნენ სხვებიც, რომლების ინტერესებიც არ ეწინააღმდეგებოდნენ მათ ინტერესებს, როგორც მაგალითად წვრილი მოვაჭრენი და სხვ. თუმცა ძლიერ აქრელებული იყო ეს მასა, მაგრამ მაინც მას ერთი ქონდა მისწრაფება და ლტოლვილება. ის გამსჭვალული და გაჟღენთილი იყო საშიშარი სიძულვილით არა მარტო პრივილეგიების მქონე წოდების მიმართ: არისტოკრატის, სამღვდლოების და ამქრის ოსტატების, არამედ ბურჟუაზიის მიმართაც, რომელიც ყვდიდდა მას როგორც ვაჭარი, ჩარჩ-ბაცაცი და წურბელი. მაგრამ მაინც მიუხედავათ ამ სიძულვილისა, რომელიც ხანდახან გამოხეტქდა თავის მწვავე შედეგებით, სანკიულოტები ისეთი სოციალისტები იყვნენ, როგორც დღეს მაგალითად ანტისემიტებია. რასაკვირველია, ამით ჩვენ ის კი არ გვინდა ვთქვათ, რომ სანკიულოტები და ანტისემიტები სხვა რამეებშიაც ერთმანეთს ვავდენ. ანტისემიტებში იმდენათ უახლოვდება სანკიულოტობას, როგორც უილაჯო გაჯავრება დახვესებულ მოხუცებულისას, რომლითაც ის ზიზლს უცხადებს ცხოველ-მყოფელ აღფრთოვანებას და მოქმედებას მხნეობით სავსე ახალგაზდობისას.

სრულიათ არ უნდა ესმოდეს კაცს საქმის გარემოება, რომ სანკიულოტები პროლეტარებათ ჩასთვალოს, ამ სიტყვის დღევანდელი მნიშვნელობით, შეუფარდოს ისინი მსხვილ მრეწველობაში დაქირავებულ მუშებს და მიაწეროს მათ უკანასკნელთა ტენდენციები, როგორც ჩიდიან პრუსიის შკოლის ისტორიკოსები ზიბელიდან დაწყებული ონკენ და მარელოცამდე. ამგვარი აბლაუბობა და გაუგებრობა ძლიერ შეუშლის ხელს გაცნობას არა მარტო ამ ელემენტებისას, არამედ მთელი რევოლიუციისას, რომელზედაც დიდი გავლენა ქონდათ მათ. ძველ სახელმწიფოს პოლიტიკამ ერთათ მოუყარა თავი საფრანგეთის ყველა ძლიერ და თავდადებულ ელემენტებს პარიჟში, რომლებიც არას დაკარგავდნენ და ყველაფერი კი უნდა შეეძინათ. გასაკვირიც არაა, რომ პარიჟის ეს ადგილები სული და გული იყო რევოლიუციის. ისინი გაბატონდნენ პარიჟზე და პარიჟის შემწეობით—მთელ საფრანგეთზე. მათთვის რევოლიუცია არ დასრულებულიყო მარტო პრივილეგიების უარის ყოფით: ისინი კიდევ შორს უნდა წასულიყვნენ და რევოლიუცია მუდმივათ უნდა აღეარებინათ. მათ არ შეეძლოთ დამშვიდებულიყვნენ, იმისთვის რომ მათი მისწრაფებანი ეწინააღმდეგებოდნენ ნამდვილ და სწორ მსვლელობას კაპიტალისტურ ფორმის განვითარებისას, რომელსაც თითონ გაუკაფეს გზა; ამასთან მათ არ შეეძლოთ კაპიტალიტური ფორმა წარმოებისა შეეცვალათ და სხვა უმაღლესი ფორმა შემოეღოთ. სამისოთ დრო ჯერ კიდევ არ დამდკარიყო. მათი მიზნის განხორციელება—ყვალას და თითველის კეთილდღეობა, შრომის საფუძველზე აღმოცენებული,—შეუძლებელი იყო, ვერ თავსდებოდა კაპიტალისტურ მეურნეობის მსწრაფელ განვითარებასთან ერთათ. მხოლოთ მუდმივ, განუწყვეტელ რევოლიუციას თუ შეეძლო ხელი შეეშალა მოზარდ კაპიტალისტურ წარმოებისთვის, მით რომ ძალით ჩაერვეოდა საზოგადოებრივ-ეკონომიურ ცხოვრებაში, დააწესებ და მაქსიმალურ ფასებს აუცილებელ საჭირო საგნებზე, დასჯიდა სპეკულიონტებს, ჩარჩ-ბაცაკებს, დროიძეებს, მოიჯარადრეთ... მაგრამ ამხედრებულიყვნენ ბოროტების ძირის-კაპიტალისტურ წარმოების—წინააღ-

\*) ჰენრიხ მესამემ 1581 წელს გამოაცხადა, რომ არავის არა აქვს ნება ოსტატათ გახდომისა, ვინც არ იყიდის მეფესაგან ამ წოდების მოწმობასო.

მდეგ მათ არ შეეძლოთ: ის ცხრა თავიანი დევი გახდა, რომელსაც რამდენათ მეტ თავს ჰქონდნენ, იმდენათ ჩქარა ახალ-ახალი თავები ესხმოდა. სანკიულოტების მდგომარეობა მეტათ უნუგეშო იყო. ისტორიამ არგუნა მათ უფლებდა, მაგრამ არავითარი საშუალება არ მიუცია მტკიცე და გამოსადეგი დაწესებულებები შემოელოთ.

გაწყვეტა კავშირის რევოლიუციასან ნიშნავდა იმას, რომ ისინი თავის ნებით უნდა დამორჩილებოდნენ იმ სილატაკეს, რომელსაც კაპიტალისტური წარმოება უშინდებდა ხელოსნებს, წვრილ ვაჭრუკანებს და პროლეტარებს, ეს ნათელი იყო, როგორც მზიანი დღე. მათ ეს შეიგნეს. მათ დარჩენილად ერთათ ერთი: ცდილიყვენ შეენარჩუნებიათ უფლება, რამდენათ მეტ წინააღმდეგობაში ვარდებოდნენ ისინი თანამედროვე წარმოების განვითარების გამო, რამდენათ მათი მისწრაფებანი ეწინააღმდეგებოდნენ სხვა დანარჩენ კლასების ინტერესებს, იმდენათ მათ უნდა ესარგებლათ ერთათ ერთი შერჩენილი იარაღით—ტერორით; იმ იარაღით, რომლის ხმარება აუცილებელი იყო სამხედრო წესების გაძლიერების გამო.

მარა ყოველთვის და მუდამ განაგო და მართო ქვეყანა ერთნაირი საშუალებებით არ შეიძლება. განუწყვეტელი რევოლიუცია ნიშნავდა განუწყვეტელ ბრძოლას: საფრანგეთი ებრძოდა გარეშე სახელმწიფოებს, პარიჟი-პროვინციებს, გალატაკებულ უბანს—შეძლებულს. დაბოლოს ეს ნიშნავდა შინაურ ბრძოლას „რევოლიუციონურ მასსაში“. განუწყვეტელ და მუდმივ ბრძოლაში რევოლიუცია დაიქანცა და ადგილი დაუთმო ბურჟუაზიას, რომელიც მიუხედავად ათასი დაბრკოლებისა, საათობით იზრდებოდა. მან მიიმხრო შიშველი და მშვიერი ხალხი და ჯარიც დაიხლოვა. ჯარი გლეხი კაცებიდან შედგებოდა, რომლებს ინტერესები ძლიერ განსხვავდებოდნენ წვრილ მოქალაქეთა და პროლეტარიატის ინტერესებისაგან.

ამ დამარცხებას, რომელსაც თან მოყვა, 27 ივლისს 1794 წელს, რომესპიერის გადაყენება, და რომელსაც მაწერეს ხელი და დაამტკიცეს 24 მაისს 1795 წელს,— ამ დადარცხებას უწოდებენ რევოლიუციის დამხობას. ვითომც ისტორიული მოვლენა, ნამდვილ საზოგადოებრივ ურთიერთობაზე აღმოცენებული ფაქტი შეიძლება დავსვათ „დაემხო!“ რომელიმე საქმე, კერძო პირების მოფიქრებული, შეთქმულობა, აჯანყება, შეიძლება მართლაც დამხობით გათავდეს, მარა არას შემთხვევაში ეს არ ითქმის ისტორიულ კანონიერებას შესახებ, რამეა მხოლოდ მაშინ იქცევა რევოლუციით, როცა ის დასრულდება: რევოლიუცია, რომელიც დაემხო, რევოლიუციით არ ჩაითვლება. რევოლიუციის დამხობაზე ლაპარაკი ისეთი სისულელეა, როგორც ქარიშხლის დამხობაზე ბაასი. ქარიშხლის დროს შეიძლება დაიღუპოს ეს თუ ის გემი, რევოლიუციის დროსაც ასე მოხდება—დამარცხდება ეს თუ ის პარტია. ერთი რომელიმე პარტია რევოლიუციის შევეუფარდოთ და მივაწეროთ მას ის მისწრაფებანი, რომლითაც გამსჭვალული იყო ერთი რომელიმე პარტია,—ეს არ შეიძლება.

იაკობინელები და პარიჟის ზოგიერთ უბრის მცხოვრები დამარცხდნენ. იმისთვის რეალური საზოგადოებრივი ურთიერთობანი რევოლიუციამდე არ წარმოადგენდნენ ნიადაგს, რომელზედაც შესაძლებელი ყოფილიყო წვრილ მოქალაქეს, ხალხს და პროლეტარიატს ფეხი მოემადგინებია, უნიადგო უნიადგო გამოდგა ყველა ის ღონისძიებანი, რომლებს წყალობით ისინი ლამობდნენ შეეჩერებიათ კაპიტალისტური რევოლიუცია. მაგრამ მათ მოღვაწეობას ტყუილ უბრალოთ არ ჩაუვლია. ჩვენ დავინახეთ, რომ ჩაპიტალისტთა სხვა და სხვა ფრაქციები დაინტერესებული იყვნენ დაეცვათ და სრულიადად არ მოესპოთ ძველი სახელმწიფო წყობილება: რევოლიუციის დროს, მათ რაღაც ცოტ-ცოტა უნდა დაეკარგათ, ამასოც უნდა ეთხოვინათ ასე გულ-ცივად ეკიდებოდნენ. რომ მოეხერხებიათ უარყოფით ფეოდალური შევიწროებანი სახელმწიფოს მართვა-გამგეობაში, ჯარსა და ეკლესიაში,—ამისთვის სულ სხვა ხალხი იყო საჭირო, ისინი, ვინც რევოლიუციის დროს არას დაკარგავდნენ, რომელთაც არავითარი კავშირი არ ჰქონდათ უმადლეს წრებთან, რომლებსაც ექნებოდათ ღონიერი მკლავი და მაჯაგი მუშტები. ასეთები იყვნენ გლეხკაცები, ამქარს გარეშე ხელოსნები და პროლეტარები. მათ ხელათ დაიკავეს სატახტო ქალაქი პარიჟი, დაიმორჩილეს მთავრობა, მეფე, შემოიღეს ხალხის წარმომადგენლობა. შიმშილით წაქეზებული ისინი სულ წინ, წინ გარბოდნენ. თავდაპირველათ მათ მიუძღოდათ ბურჟუაზია; მარა ამ ბოლოს, როცა ის შეჩერდა, მათ გადათელეს ის და გასწიეს. ისინი წარმოადგენდნენ იმ ძალას, რომელმაც შესძლო აღეგადა საფრანგეთის მიწიდან ფეოდალური სახელმწიფო ისეთი სისწრაფით, რომლის მგზავსიც არ მომხთარა არც ერთ ქვეყანაში. მანვე გაასწორა და დაამზადა ნიადაგი, რომელზედაც დირექტორიის და ნაპოლეონის გამგეობის დროს შეუდარებელი სისწრაფით უნდა აღმოცენებულიყო წარმოების ახალი ფორმა, ახალი საზოგადოება. რაიც არ შეეძლო გაეკეთებია კაპიტალისტებს, ეს შეასრულეს თავიანთ ნების წინააღმდეგ კაპიტალისტების მოსისხლე მტრებმა.

საფრანგეთის და განსაკუთრებით პარიჟის წვრილ მოქალაქეთა რევოლიუციონური ბრძოლა თუმცა დამარცხებით დასრულდა, მარა მაინც უმნიშვნელოთ არ ჩაუვლია. ძლიერება, რომელიც ამ წოდებამ რევოლიუციის დროს გამოიჩინა, ის დიდებული როლი, რომელსაც ის აქ თამაშობდა,—ყველა ამან მოამზადა ის თავის თავის შეგნება, ის პოლიტიკური სიმწიფე, რომელსაც დღესაც დიდი გავლენა აქვს ცხოვრებაში. იაკობინელების ტრადიციები ახალგაზრდობის შარავანდით გარს შემორტყმიან საფრანგეთში, ბურჟუაზიულ რადიკალიზმს; თუმცა ის მოხუცებულია, მარა თავის მხნეობით და ვაჟაკობით გააცილა თავის მოძმეთ კონტინენტზედ. ამ ტრადიციების წყალობითაა, რომ ნაწილი საფრანგეთის პროლეტარიატისა ბურჟუაზიულ მისწრაფებას ვერ გასცილებია, თუმცა ამ ბოლო დროს ეს ნაწილი თანდათან სუსტდება და მცირდება.

მხოლოდ ჩვენი ისტორიკოსების შეშინებული წარმოდგენა თუ აძულებს მათ ყველა იაკობინე კომუნისტათ მოეჩვენოს. ნამდვილათ კი სახელდობრ იაკობინეების ტრადიციები აბრკოლებენ საფრანგეთში აღორძინდეს ძლიერი დამოუკიდებელი სოციალ-დემოკრატიული პარტია.

(შემდეგი იქნება)

დრ. რედაქტორი გამოცემელი  
**ნ. ა. ადექსაევ-მესხაევი.** **სხ. მ. თ.-წერეთლასა.**

გამოვიდა და იყიდება ქართულ წიგნების მაღაზიებში ახალი გამოცემანი ქუთათურ ამხანაგობისა:

1) „**ლევან ბატონიშვილი**“  
 თხზულება თ. ხუსკივაძისა. ფასი 10 კაპ.

2) „**ჯიანეტა**“  
 თარგ. ა. ი. ნიკოლაძისა. ფასი 30 კაპ.

ვინც ამხანაგობის კიოსკიდან (ქ. ქუთაისი, ქალაქის ბალი) დაიბარებს ან იყიდის იქვე ამხანაგობის გამოცემებს 20 დეკემბრიდან 20 იანვრამდე, მას დაეთმება 30% დაკლება, ხოლო ა) თხზ. მამია გურიელისა, ბ) თხზ. გ. წერეთლისა I და II ნაწ. გ) „საქართველოს ისტორია“ ბარათაშვილისა I და II ნაწ. დი დ) თხზ. გრ. აბაშიძისა—40% დაკლებით. იბეჭდება და მალე გამოვა გ. წერეთლის თხზულებების. III ტომი